

TEZĂUR LITURGIC

4 IULIE

ACATISTUL SF. ÎMPĂRAT-MUCENIC NICOLAE II ROMANOV AL RUSIEI II



MOSCOVA, 2000



АКАФИСТ
РОССИЙСКОМУ НОВОМУЧЕНИКУ
СТРАСТОТЕРПЦУ ЦАРЮ
НИКОЛАЮ

Кондак 1

Богоизбранного Царского рода преславное увенчание, святой страстотерпче Царю Николае, сонм новомучеников Российских с Семейством Своим возглавивый, воспеваем Ти похвальная, яко подвигом веры, любви и терпения стяжал еси славу Отцу Небесному, честь Отечеству Православному и святость Семье Своей. Ты же, предстоя ныне со Царицею и Чады Своими пред Престолом Всевышнего Царя, умоли Господа о нас, поющих Ти: Радуйся, Николае, богоизбранный Царю и великий страстотерпче!

Икос 1

От отрочества возлюбив Христа, святой страстотерпче Царю Николае, о царском венце, как о тяжком кресте помышлял еси, сердцем же стремился ко иноческому житию. Обаче, зная долг Свой Наследника престола и ревнуя о

могуществе и процветании Державы
Российстей, приял еси царство, яко послушание
от Бога данное, и вси Свой силы и чаяния земле
родной посвятил еси. Мы же, благодарне сущи
за таковое самоотверженное Твое служение,
вопием Ти: **Радуйся**, благочестиваго корене
отрасль пречестная; радуйся, добродетелям
великих предков подражателю. Радуйся,
царского их служения верный преемниче;
радуйся, Отечество и народ Свой паче жизни
возлюбивый. Радуйся, хозяином земли Русской
от Бога поставленный; радуйся, Дома
Пресвятыя Богородицы верный хранителю.
Радуйся, нищих и обездоленных щедрый
попечителю; радуйся, угнетенных и обидимых
скорый защитниче. Радуйся, Николае,
богоизбранный Царю и великий страстотерпче!

Кондак 2

Господа Бога одного имея над собою, Ему
Единому сердце Свое отдал еси, Царю
богоизбранный, и был еси в глазах общества
богоотступнического, яко юродивый среди
мудрых, посрамляя по слову апостола Павла
мудрость века сего. Тем же, следуя строго
заповедем Христовым и твердой рукой содера
кормило власти Царской, великое могущество и
процветание народу Русскому и всем народам

России стяжал еси, Церковь Православную везде укрепляя и уча всех пети Богу: Аллилуия!

Икос 2

Отечеству Своему горячо любимому и всем народам земли желая мира и благоденствия, великий избранниче Божий Царю Николае, к царям и правителям всех стран во имя Христа обратился еси, да сократят в согласии множество смертоносного вооружения своего, и да поставят крепкий заслон войнам кровопролитным. Правители же безбожные, отвергнув предложение Твое, явили всем нечестие свое, Тя лишь Единого воистину благочестивого Царя и поборника мира показуя. И мы вси, дивясь преславным деяниям Твоим, со умилением вопием Ти: **Радуйся**, миротворче преславный; радуйся, царям и правителем звездо богосветлая. Радуйся, войн кровопролитных препятие; радуйся, Православного Отечества соиздателю. Радуйся, стено всем обидимым; радуйся, всем праведным надежде и упование. Радуйся, любви Христовой проповедниче; радуйся, ум Свой и сердце Богу предавший. Радуйся, Николае, богоизбранный Царю и великий страстотерпче!

Кондак 3

Истинный христоролюбче и Церкви Православной во всем мире заботливый попечитель, богоизбранне Царю Николае, надежное основание положил еси Царству Российскому, на молитвы святых угодников паче ума человеческого полагаясь и высшую мудрость веры Христовой противу слепоты неверного разума являя. От иных же Своих подданных вместо благодарности и верного служения клеветою и оскорблениями уязвляем был еси. Помятуя же слово Божие: «Мне отмщение, Аз воздам», - терпел еси вся благодушно, на суд Божий возлагая злобу их, да раскаются и воспоют благодеевшему им Богу: Аллилуия!

Икос 3

Завистник человеков и отец всякой лжи диавол, видя славу России и благочестие Твое непоколебимое, рассвирепе на Тя, Царю Николае, ложью, клеветой и коварством богоотступников на борьбу с Православным Царством собирая. Господь же, не хотяй смерти грешным, на малое время беззакониям их попустил еси, да вразумятся. Абие же верных сынов Русских на поражение нечестивых

воздвигл еси, и скоро мир и порядок в стране вновь водворился до времени, да вси благочестивыя людии возопиют Ти: **Радуйся**, дерзостных бунтовщиков скорый победителю; радуйся, беззаконий твердый усмирителю. Радуйся, милосердием злобу угашая; радуйся, терпением и любовью зло побеждаая. Радуйся, прельщенных и обманутых терпеливый вразумителю; радуйся, милосердный Царю, покаявшихся скоро милующий! Радуйся, самодержавия крепкий защитниче; радуйся, о спасении Отечества выну Бога умоляющий! Радуйся, Николае, богоизбранный Царю и великий страстотерпче!

Кондак 4

Боголюбивую Царицу Александру дарова Ти Бог, державный Николае, яко голубицу чистую, та бо удостойся быти с тобою Едина душа, Едино сердце. Из нея приумножи Бог Царский род Чадами благословенными, Царевнами Ольгою, Татианой, Мариєю, Анастасией и Царевичем пречудным, светлым отроком Алексием, да вси в согласии и любви воспевают купно с тобою Вседержителю Богу: Аллилуия!

Икос 4

Радовася сердце Твое, Царю христолюбиве, чистым веселием, егда с Семейством Своим малое время проводил еси, не ведаша бо тамо ни лицемерия, ни лукавства, коими неверные слуги Тя огорчаша. Буйствующие же подданные Твои истинное благочестие забыша и в слепоте душевной и страстях пребывающе, чернили имя Твое пречестное безумным злословием, неразумевая, яко Божий Помазанниче Ты еси, и взыщет строго с них Господь за неверность. Ты же, любовью вся покрывал еси, и мы дивяся терпению Твоему и милосердию, вопием Ти таковая: **Радуйся**, образе царственной любви и терпения; радуйся, на Бога вся Своя печали возложивий. Радуйся, кротостию и молчанием клевету одолевый; радуйся, яко любовь Твоя к злословящим Тя не поколебашася. Радуйся, Царице и Чадом Отец любвеобильный; радуйся, в Семействе Своем утешение и ободрение обретаяй. Радуйся, христианского благочестия поборниче; радуйся, любовью Христовою сердца чад Своих просвящаяй. Радуйся, Николае, богоизбранный Царю и великий страстотерпче!

Кондак 5

Ангелы на небесех возрадовашася о Тебе, Царю боголюбиве, егда твердым указом Твоим нерешительность архиереев преодолесе, и великий угодник Божий преподобный Серафим Саровский волею Божію и Твоим повелением прославися. И бысть сие прославление христианскому роду на велию радость, многими бо чудеса возвеличи Бог угодника Своего, и яви Тя, яко богомудраго Царя, всех научающаго пети Богу: Аллилуия!

Икос 5

Неустанными трудами и терпеливым попечением Твоим, Царю Николае, утвердися Русь Святая в царствование Твое. Многими бо храмы и обители святыми страна наша украсися, и многих угодников Божиих мощи православному народу явишася. Вся сия быша, да уготовится святыи народ христолюбивый ко огненному искушению, на Россию грядущему, поспели бо нивы Божий и виноградник Христов к жатве кровавой. Тем и мы, Царю святыи, вопием Ти: **Р**адуйся, Царю, угождение Богу превыше всего поставивый; радуйся, разум Свой в послушание веры пленивый! Радуйся, народ Свой в вере добре утвердивый; радуйся,

ревностию благоволение Божие к Себе
стяжавый. Радуйся, предстательству святых
Россию вверивши; радуйся, Православного
Отечества утверждение. Радуйся, Царского рода
предивное украшение; радуйся, Святой Руси
сокровенный светильниче. Радуйся, Николае,
богоизбранный Царю и великий страстотерпче!

Кондак 6

Несокрушимой стеной ста благочестие Твое и
вера, Царю Православный, на пути злочестия
антихристова. Уведаша же беззаконники, яко
сила Царя в верных слугах его, начаша
клеветами и всяким коварством царских слуг
поражати: оваго бо наветами прельстиша, ового
же убиша, оваго убо в безбожие соблазниша. И
тако распыхаху неразумных противу
Помазанника Божия, да бы не пели на Руси
Богу: Аллилуия!

Икос 6

Испытание велие прииде на Державу
Российскую, егда нападе нечестивыя на Царство
Сербское, яко да разжется брань воинския в
народах. Ты же, Царю святыи, имея тцание о
защите православных, ополчися на спасение
страны Сербстей, и по зову Твоему воста народ
Русский на брань противу безбожных

супротивников, воспевая Ти таковая: **Радуйся**, верный защитниче обидимым; радуйся, покровителю народам православным. Радуйся, России славо и украшение; радуйся, врагом Отечества устрашение. Радуйся, закона и правды твердый хранителю; радуйся, антихристу стено неодолимая. Радуйся, грозное наказание буйствующих завоевателей; радуйся, беззаконий их нелицеприятное обличение. Радуйся, Николае, богоизбранный Царю и великий страсотерпче!

Кондак 7

Чистое сердце Твое не узре коварства, Царю Николае, егда ближайшии друзи Твоя измену замыслиша. И бысть светла любовь Твоя ко всем, яко исчезоша душа Твоя о спасении народов славянских. Воеводы же Твоя старшии и сановные властители в безбожии обуявшиа, ископаша яму себе, обеты присяги по наущению вражию нарушая и погибель Российстей Державе уготовляя, не ведаша бо пети Богу: Аллилуия!

Икос 7

Единоначальниче армии и флота Российского, молитвою и верою пламенея и благодатию Божией укрепляем, показался еси Русский Царь

всем, яко стратег победоносный, всюду искусно врагов поражаяй и войско Российское на победу вдохновляяй. Изменники же тем временем подныша на Тя пятау свою, смуту в воинах и в народе тайно сея, иудин жребий избирая, ибо забыша, яко подобает пети Ти: **Радуйся**, Помазанниче Богоизбранный; Радуйся, Царю великодержавный. Радуйся, Российской Державы славо и утверждение; радуйся, всякому злодейству крепкое заграждение. Радуйся, закона и порядка блюстителю; радуйся, благонравия народного ревнителю. Радуйся, Русской армии и флота попечителю; радуйся, Божиих велений исполнителю. Радуйся, Николае, богоизбранный Царю и великий страстотерпче!

Кондак 8

Исполнение времен прииде на Русь в царствование Твое, святыи страстотерпче, оскуде бо вера многих, сердца свои ожесточиша и Света Христова не познаша, посему славные дела царские и милость Божию нивчтоже вмениша, нечестивым же хулителям и слугам антихристовым во всем потакаша. И бысть испытана Русь Святая и народ ея, яко злато в горниле, да отделятся овцы от козлищ, пшеница

от плевел, и да явится дело каждого, поющего Богу: Аллилуия!

Икос 8

Обыдоша Тя изменники и приступиша к Тебе, дело странное и небывалое требуя, - отречения от престола царского. Сим оружие пройде душу Твою, Царю благочестиве, и познав измену их, ста об ноць на молитву, горькую обиду Богу изливая, Отечество же Свое Пресвятей Богородице вверяя. И бысть сие моление Твое, яко гефсиманское, и умудри Тя Господь отступите, яко да заградятся уста нечестивых и накажутся тии нечестием своим. Мы же, познав страдание Твое и подвиг, вопием Ти: **Радуйся**, яко агнец непорочен прямо стригущего его безгласен; радуйся, смиренно царский венец на терновый сменявый. Радуйся, незлобием злочестие обличивый; радуйся, верность Богу даже до конца сохранивый. Радуйся, кровопролития никакоже пожелавый; радуйся, горькую обиду кротко стерпевый. Радуйся, все врагам простивый; радуйся, не мстити врагом повелевый. Радуйся, Николае, богоизбранный Царю и великий страстотерпче!

Кондак 9

Видя бедствие народа богоизбранного, умилосердися Матерь Божия о людех Своих, яко издревле Россия Дом Пресвятой Богородицы именуется, и прия Скипетр и Державу Царица Небесная из рук отвергнутого Царя земнаго, новую чудотворную икону Свою «Державную» верным даруя, да поют неустанно Богу: Аллилуия!

Икос 9

Убийство злодейское Семейства Царского задумаша нечестивцы, да бы покончить с Россией Православной, наложиша узы на Тя и на Царицу со Чады, Царю праведный, и попущением Божиим повлекоша путем голгофским, ибо восхоте Тя Бог возвеличить и Семейство Твое паче снега убелити. От сих явишася любовь Ваша и вера крепче алмаза, и тем возсия праведность Ваша, паче солнца, яко и приставникам Вашим дивитися. И видеша верныя, яко прииде скорби тяжкия на Тя и Семейство Твое, Царю Николае, воспеша Ти: **Р**адуйся, Царю, страданием Бога прославивый; радуйся, огненное испытание доблестно прошедый. Радуйся, чашу горькую с Семейством честно испивый; радуйся, яко мзда

Ваша многа на небесах. Радуйся, Семейство
Свое уготова, яко цветниче благоуханный;
радуйся, России светильниче семисветлый.
Радуйся, кротостию Давидовой врагов
обличивый; радуйся, Бога о врагах моливый.
Радуйся, Николае, богоизбранный Царю и
великий страстотерпче!

Кондак 10

Погубити народ христианский восхоте
беззакония властители самозванные, суетной
злостью омраченныя, и попустиша им Господь
святых победити, Царское Семейство погубити и
святыни земли Российкия разорити, ибо прииде
яко тать нощию страшный час жатвы
Христовой, да яве станет безумие нечестивых и
мудрость боголюбцев. Ты же, Царю праведный,
умолил Господа, да не до конца прогневается, и
да сохранит на Руси выну поющих Богу:
Аллилуия!

Икос 10

О, светло светлая и украсно украшена Русская
земля, и многими красотами удивлена еси,
церквами златоглавыми, монастырями
белокаменными, князьями грозными прославлена
еси, богатствами несметными исполнена еси. В
те дни прииде погибель на христиан, пройде бо

огненною бурею Десница Господня, да прославится земля Русская мужеством несокрушимым новомучеников и исповедников преславных во главе с Царем добропобедным, ему же вси со умилением воспоем: **Радуйся**, Царского рода преславное увенчание; радуйся, сонм Российских новомученников возглавивый. Радуйся, Святой Руси славо и украшение; Радуйся, кровию Своею Россию от совершенной гибели искупивый. Радуйся, венцев небесных с Семейством удостоенный; радуйся, Отечества Небесного светлый жителю. Радуйся, о народе Своем выну Бога молящий; радуйся, многими чудесы верных укрепляющий. Радуйся, Николае, богоизбранный Царю и великий страстотерпче!

Кондак 11

Древнему Иову подобне житие Твое, богоизбранниче Николае, ибо умножися слава Твоя последи, и яко звезды небесныя явися чудеса Твоя и помощь, верным даруемая по предстательству Твоему. И позна народы боголюбивыя велие дерзновение Твое пред Богом о всех обидимых и во обстоянии сущих, и воспеша благодарно Богу: Аллилуия!

Икос 11

Остаток верных сохрани Господь в России, безбожникам на обличение и вразумление, да покаются и спасутся. Егда же прииде час помилования Святой Руси, яви всем икону Царя мироточивую, и многими знаменами прослави святое Семейство Царское, да познает народ Русский всемогущее предстательство святаго Царя пред Богом о Своем народе возлюбленном, и да поют ему вси радостно: **Радуйся, Святой Руси возрождение; радуйся, от плена страстей освобождение. Радуйся, заблудшим чадам ходатаю прощения; радуйся, к покаянию всех призываяй. Радуйся, верным светильнице богосветлый; радуйся, предстателю о нас пред Богом непостыдный. Радуйся, скорый услышателю в беде сущих; радуйся, всем праведным надежде и упование. Радуйся, Николае, богоизбранный Царю и великий страстотерпче!**

Кондак 12

Бога Единого любити, Ему Единому служить, ради Него вся терпети и вся творити учат нас святыя Царственныя страстотерпцы, да славят христоименитые люди россиясти Имя Божие, и да просветятся и исцелятся Светом Христовым

от России все народы мира и да воспоют купно Богу: Аллилуия!

Икос 12

«**Н**есть тоя жертвы, юже не принесл бых за благо Отечества моего», - тако глагола еси, святыи Царю, научая тем и люди Своя о Отечестве Православнем паче жизни радети, яко Держава Российская - богоизбранныи сосуд истины во свидетельство народам является. Тако научи и нас о спасении Святой Руси выну помышляти и не Своих си, но яже Божия, всегда искати, воспевая Ти сице: **Р**адуйся, страстотерпче, живот Свой за други Своя положивый; радуйся, Царю, заповедь любви до конца исполнивый. Радуйся, наставниче Христова смирения; радуйся, святыи учителю богопочитания. Радуйся, раздоров и нестроений умирение; радуйся, молитвенниче о нас неусыпаемый. Радуйся, славянского рода дерзновенный предстателю; радуйся, России небесный покровителю. Радуйся, Николае, богоизбранныи Царю и великий страстотерпче!

Кондак 13

Единой России и всех народов славянских верный служителю, великий избранниче Божий, страстотерпче Царю Николае, молим Тя, яко

предстателя и молитвенника о нас усердного, вознеси о нас горячие молитвы Твои ко Господу сил, да дарует Отечеству нашему мир и процветание, роду славянскому во благочестии христианством преуспеяние, да вси согласно поем Богу: Аллилуия!

(Этот кондак читается трижды, затем икос 1 и кондак 1).



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
НЕБО